



11. september 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

1. Naalakkersuisut nalunaaruteqaqquneqarput sivikitsuinnarmik atorfillit peqqissaasut, nakorsat, ernisussiortut, sundhedsassistentit allallu peqqinnissaqarfimmi suliffeqartut qassit, taartaasartut aqqutigalugit atorfeqartinneqarnersut.
 - a. Naalakkersuisut nalunaaruteqaqquneqarput peqqinnissaqarfimmi ilinniarsimasunut sulisunut taartaasartut aqqutigalugit atoreqartunut qanoq annertutigisumik aningaasartuutaasimanersut ukiunut 2021, 2022, 2023 aammalu 2024-imi killiffik. Ajornangippat allattorsimaffinngorlugit suliareqquneqarput.
2. Naalakkersuisunit nalunaarutigeqquneqarpoq sivikitsuinnarmik atorfillit peqqissaasut, nakorsat, ernisussiortut, sundhedsassistentit allallu peqqinnissaqarfimmi suliffeqartut qassit, isumaqatigiissutit aqqutigalugit atorfeqartinneqarnersut
 - a. Naalakkersuisunit nalunaarutigeqquneqarpoq peqqinnissaqarfimmi sulisunut, isumaqatigiissutit aqqutigalugit taartaasutut qassit atorfinitsinneqarsimanerannut aningaasartuutaasimasut qanoq annertutigisimanersut tulleriissaarlugit ukiunut 2021, 2022, 2023 aammalu 2024-imi killiffik
3. Peqqinnissaqarfimmi ukiuni 2021, 2022, 2023 aammalu 2024-imi killiffimmi sulisut atorfinitsinnerinut- soraarnerinullu pisataasa angallannerat ilanngullugu katillugit qanoq annertutigisumik aningaasartuutaasimappat?
 - a. Aningaasartuutinit taakkunannga qanoq annertutigisoq sivikitsuinnarmik atorfeqartitanut aningaasartuutaasimava?
4. Suut suliniutit tigussaasut peqqinnissaqarfimmi tamarmi sulisut aalajangersimasumik atorfeqartut oqilisaanniarlugit Naalakkersuisut aallartissimavaat?
5. Suut pilersaarutigineqarpat, sulisunik atorfinitsitsisarnerup allattoqarfiata sivikitsuinnarmik atorfeqartartunut sullissinerat ilungersunartorsiortitsisartoq aaqqinneqarnissaa siunertaralugu?
 - a. Naalakkersuisut uppersarsinnaanerpaat iluoornersoq ilumuunnginnersorluunniit, peqqinnissaqarfimmi nakkutilliinermut/ullunut suliffissanut pilersaarusionermut nutaamut aammalu akissarsialerineranut nutaamut tigussaasunik suliniuteqartoqalersimanagera?
 - b. Naalakkersuisut uppersarsinnaanerpaat iluoornersoq ilumuunnginnersorluunniit, peqqinnissaqarfimmi sulisut atorfinitsinneqartarnerannut allaffeqarfiat sulisut amerlineqarsimanagerat?
 - c. Naalakkersuisut uppersarsinnaanerpaat iluoornersoq ilumuunnginnersorluunniit, Naalakkersuisoqarfimmi aammalu peqqinnissaqarfiup qullersaqarfiani pisariillisaatissanik suliniuteqartoqalersimanagera? Akissut tunngavilersoqquneqarpoq.



- d. **Politikkikkut suna tungavilersuutigineqarpa, qanoq ililluni allaffeqarfiup/pisorta qarfiup pisariillisarneqarnerata napparsimasunik passussinermut iluaqutaanissaa?**
6. **Qatserisut-ni sulisut inissiaasa oqallisigineqartorujussuaq sumut killippa?**
- a. **Qaqugu politikikkut aaqqiisoqarnissaa naatsorsuutigineqarpa?**
 - b. **Naalakkersuisut ilisimatitsissutigisinnaanerpaat kiap, inissiat ator neqanngitsut akilersornerai?**
 - c. **Naalakkersuisut nalunaarutigisinnaavaat, maannamut Qatserisut-nut innersuussisoqartarnersoq?**
 - i. **Peqqinnissaqarfimmi sulisut qassit Qatserisut-ni inissaminnik tunineqartut itigartitsisimappat?**
7. **Suliniutit suut Naalakkersuisut aallartissimavaat sinerissami nakorsassaaleqinerup unammillernartumut aaqqiissutissatut?**
- a. **Eqqortumik paasisimavara, Nuummi nakorsiartafiup nunat immikkoortuini nakorsassaaleqisunut ikiorsiisarnissaq tigusimagaa?**
 - i. **Qanoq sivilisutigisumik tamanna ingerlassava?**
 - ii. **Tamanna Nuummi nakorsaqarniarnermut sunik kinguneqarsimava?**
 - iii. **Tamanna Nuummi napparsimasunut/innuttaasunut sunik kinguneqarsimava?**
 - iv. **Taanna nunap immikkoortortaanut iliuuseqarneq sulisunik aningaasanillu atuinermik kinguneqarsimava?**
8. **Naalakkersuisut suliamut soqutiginaatilinnik allanik paasisutissiisinnaappat?**

(Inatsisartunut ilaasortaq Anna Wangenheim, Demokraatit)

Tungavilersuut

Piffissanngorpoq ammasumik, ilisimatitsilluni peqataatitsillunilu peqqinnissaqarfiup maannakkorpiaq ilungersuanerata oqaluuserinissaannut. Naalakkersuisut aningaasanut inatsisissatut siunnersuutaani nalunaarutigeqqammerpaat, ukiuni tulliuuttuni peqqinnissaqarfimmut aningaasanik amerlanerusunik atuiffiususaaq, aammali paasisariaqarluni, unammillikkanut sanilliullugit naammanngilluinnartut.

Assersuutigalugu sivikitsuinnarmik sulisorisartakkanut aningaasartuutit tupinnaannartumik qaffariarsimapput aningaasallu taakku arlaannit matussuserneqartariaqarlutik. Ajoraluartumilli kingunerissallugu, Inatsisartuni suliniutinut pitsaasunut amerlanerussuteqarpat, piviusunngortikkuminaannissaat, aningaasat sivikitsuinnarmik sulisorisartakkanut aningaasartuutit amerlissutaannut ator neqassammata.

Demokraatinut pingaartuuvoq unammillernartut ammasumik unneqqarissumillu oqaluuserinissaat. Tamatta suleqatigiittariaqarpugut peqqinnissaqarfiup attanneqarsinnaasumik ineriartortinneqarnissaanut, aammalu innuttaasunut sulisunullu suleruluttunut toqqissisimanarnerulersinniarlugu.

Sulisussarsiornermi sulisunillu tigumminniinnarnissamut aporferujussuaq tassaasimavoq sulisunut



naleqquttunik inissaqartitsinnginneq. Inigisamut attartornermut akit inini tunniunneqartuni ima qaffasitsigisimapput, sulisut taakkunani ineqarnissaminnut akissaqaratik. Tamannalu sulisut tigummiinnarnissaannut sulisussarsiornermullu akornutaasimaqaaq.

Upernaaq Naalakkersuisut aalajangerput peqqinnissaqarfimmi pisortat ilaneqassasut. Tusarusuppara, tassunga politikikkut sumik tunngaveqarsimanersoq, tassami partiit tamarmik Naalakkersuisullu kissaateqarsimammata allaffissorneq annikillisarneqassasoq. Iliuseqarneq tamanna killormuanik kinguneqarmat.

2019-imi allanngortiterisoqarpoq, tunngavilersuutigineqarluni napparsimasutut illersugaaneq napparsimasullu passunneqartarnerat nukittorsarneqassasoq. Tamanna akissarsianut aningaasartuutit milliooit arfinillit missaannik minnerpaamik qaffannerannik kinguneqarsimavoq. Taakku saniatigut nukippassuarnik atuisitsisimavoq suliffeqarfimmi tamarmik atuutinneqarniarnera sungiutsinniarneqarneralu. Taamani taanna aalajangerneq politikikkut akuerineqarsimangilaq. Taamaattumik apeqqutaalerpoq ilumut atorfilittat imaluunniit politikkerit, innuttaasut peqqinnissakkut sullinneqarnerannut sinaakkutinik pilersitsinersut, politikikkummi kissaatigineqarmat assaat atorlugit allaffissornerup annertusinerata unitsinniarnissaa allaffissornikkullu tapersiissutit soorlu assersuutigalugu imminut sullinnerup annertusarnissaa, akissarsiat- nakkutilliisullu pilersaarusionerisa allallumi pilersinnerisigut.

Paasisakka tunngavigalugit partiit imaluunniit ataatsimiititaliat attuumassuteqartut piffissamio kingullermi ilisimatinneqarsimangillat, sinerissami nakorsaqaarniarneq, nunap immikkoortuinik ilasinermik kinguneqartup qanoq ilungersunartigineranik.

Aalajangerneruvoq, ilisimatitsissutigineqarsimangitsoq, innuttaasulli oqaluttuarisai, tamannalu nalorninermik toqqissisimanginnermillu annertuumik pilersitsisoq. Taamaattumik Naalakkersuisut ersarissuliortariaqarput taakku aalajangikkat pillugit innuttaasunullu ilisimatitsilluarlutik minnerunngitsumillu politikikkut suleqatinut.

Apeqquteqaatima ullut suliffiusut qulit iluanni akineqarnissaat qilanaaraara.